

# صرخات أولياء أمور طلاب الثانوية بسبب انقطاع الكهرباء: «مبندلحش نشحن الكشفات علشان نذاكر»



الثلاثاء 25 يونيو 2024 06:59 م

أصدرت وزارتنا الكهرباء والبتترول بياناً مشتركاً، نشر على الصفحة الرسمية لوزارة البترول على موقع فيسبوك، أعلنت فيه استمرار تمديد فترة تخفيف الأحمال ساعة إضافية حتى نهاية الأسبوع.

وكانت الوزارتان أعلنتا في بيان سابق صدر أول أمس، عن تمديد فترة تخفيف الأحمال ساعة إضافية لمدة يومين فقط.

وجاءت صرخات من أولياء أمور الثانوية العامة والطلاب على هذا قرار، وطالبوا بوقف قرار تخفيف أحمال الكهرباء لحين الانتهاء من امتحانات الثانوية العامة رفقا بالطلبة بالأخص في ظل هذا الطقس الحار.

شكاوى أولياء الأمور والطلاب من القرار

قالت ابتسام سامي، أحد أولياء الأمور: أنا أم لتؤام في الثانوية العامة يعني إيه ولادنا كل يوم ميعرفوش يذاكرو من قطع النور لأن ما فيش نت يذاكرو عليه و طبعاً حر وزهق لأن الجو نار”

وتابعت: “يعني لا مذاكره ولا راحه هي ديه بلدنا اللي بتوفر لولادنا الراحة والأمان هو ده مستقبل ولدنا اللي كل شويه تهدوه بدل ما نقف جميعهم وتساعدوهم، احنا مش طالبين توفر لهم سبل المواصلات اللي على ما الطالب يروح الامتحان تكون طلعت عينه من الوقفه مستني مواصلات قولنا ماشي انزلو الفجر علشان تلحقو انتو لسه شباب اتعبو شويه، على حد وصفها.

وتساءلت: “ليه 3 ساعات الصبح وكمان زيهم بالليل احنا بنموت في الحر احنا مش في الشتاء والله حرام اللي بيحصل فينا وفي ولادنا ده وليه الطبقة المتوسطة، واللي تحت الصفر اللي بيحصل فيها كده بس ليه النور مبيتقطعش في التجمع الخامس أو شرم أو الساحل هو ناس وناس من فضلكم يا مسؤوليين ارحموا شعب مصر الغليان وحسبي الله ونعم الوكيل”.

واستكملت ندى أحمد، قائلة: “يعني وقفوا قطع النور في امتحانات النقل الترم الأول و جاين تعملوا كده في امتحانات الثانوية العامه !!! “.

وتابعت قائلة: “هو حد هيجي يذاكر مكانا ياريت نراعي بقى علشان الواحد جاب آخره مش هم امتحانات وهم ضياع وقت وعطلة.. ده اسمه هزار ده في مستقبل ناس.. أنا طول عمري داغمه لليلد في كل شئ لكن اللي بيحصل ده تهريج ومش مقبول”.

كما قالت جينا ثابت: “ياريت المسؤول اللي بيقطع النور يبقى عارف احنا في فترة امتحانات الثانوية العامه والطلبة بتذاكر ياريت مواعيد قطع النور يكون فيها رحمه”

وأكملت: “3 ساعات ورا بعض كثير اتقو الله فينا قسموها في اليوم حتي نعرف نشحن ونذاكر علي الكشافات ساعة نص الليل وساعه الفجر كذا مش 3 ورا يعض يبقى مشلولين لا عارفين نذاكر ولا أي حاجه ارحمونا”.